

〔覆載萬安方〕中風角弓反張 和ニハソ。ソトイフ
論曰風角弓反張之狀腰背反折不能俛也由風邪容於諸陽之經邪正相搏風氣勝則筋脈縮急腰背反折如弓之形也

〔叢桂偶記一〕風

東涯先生曰中風之病未詳其名義以爲中於風則寒疾之症也所謂中風者非寒疾近代醫書雖有其說亦未的確蓋風非風雨之風也爲氣而解之其義稍通心氣疾氣血疾充滿軀內而運動流行者皆可稱風所謂大塊噫氣其名曰風風者天地之氣也故釋之以氣癩瘡稱大風其爲氣義可以見也又有腸風胃風又有白癩風紫癩風此等之疾有風名者皆氣血錯亂所致也又小兒有急慢驚風又狂病曰心風曰風疾唐書曰風疾使酒不可入仕是狂亂醉狂不任官也狂人稱風癩漢又稱風子又單用風字以爲心疾是皆指心氣錯亂也中風之病一身氣血偏枯軟換作種種形狀是爲風所中也西土又有相墓術謂之風水又名地理宋儒言曰有水以界之無風以散之出于有身集要是豈地中有風乎又言其氣而已佛書地水火風謂之四大四大假合爲幻體四大各歸其源煖氣歸于火轉動歸于風出于圓覺經夫風在人身所轉動也是亦指氣也又犬之狂曰風狗曰顛狗可見風者氣也而醫書指心氣氣血之變曰中佛典是梵言至其翻譯皆是唐人以當時之語而譯之可以證也余按醫籍以風名病者甚多然其實不過三義也而名中風者有二症傷寒論曰中風是言傷寒輕症即風寒之風於字義爲至當中爲去聲即傷風也頭風破傷風風溼等皆風寒之風屬外因是爲一義世之所謂中風者其證半身不遂口眼歪斜東涯以氣字爲解者也莊子曰民溼寢則腰疾偏死荀子曰禹跳湯偏尹子曰禹之勞十年不窺其家手不生爪脛不生毛偏枯之病步不相過人曰禹步鄭註尙書大傳曰湯半身體枯淮南子曰偏枯之樂是卽世之所謂中風而古典不言中風夫中風者傷風之名而係外襲風邪而偏枯者原有癥瘕仙癖血塊瘀毒而思慮過度或酒色昏荒之人因寒暑飢飽內勢激發也至其輕重緩急順逆虛實其候多